



O'ZBEKISTON RESPUBLIKASI JIZZAX VILOYATI HOKIMI QARORI

2023 - yil 1 - mart

110-3-0-Q/23

Jizzax viloyati hokimligi

Жиззах шаҳар йўловчилар транспортида йўловчилар ташиш ҳақини тўлаш тарифини белгилаш тўғрисида

Ўзбекистон Республикасининг 1997 йил 25 апрелдаги “Шаҳар йўловчилар транспорти тўғрисида”ги 419-I-сонли Қонуни ва Вазирлар Маҳкамасининг 2017 йил 25 апрелдаги “Аҳолига транспорт хизмати кўрсатиш ҳамда шаҳарлар ва қишлоқларда автобусларда йўловчилар ташиш тизимини янада такомиллаштириш чора-тадбирларини амалга ошириш тўғрисида”ги 238-сонли қарорига асосан, вилоят Транспорт бошқармасининг 2022 йил 14 декабрдаги Е-251-сонли мурожаат хати ҳамда вилоят Молия бош бошқармасининг 2022 йил 13 декабрдаги 01-20-08-5-39/212-сонли розилик хатини инобатга олиб, шаҳар йўналишида қатнайдиған йўловчи ташиш транспорти хизматлари ҳаражатларининг, жумладан, ёқилғи-мойлаш материаллари, эҳтиёт қисмларнинг қимматлашганлиги муносабати билан, транспорт хизматининг барқарор ишлашини таъминлаш, йўловчи ташиш транспорти хизматларига тарифларни асосли шакллантириш мақсадида, Ўзбекистон Республикасининг “Маҳаллий давлат ҳокимияти тўғрисида”ги Қонунинг 5-, 6- ва 25-моддаларига асосан

ҚАРОР ҚИЛАМАН:

1. Жиззах шаҳрида йўловчилар ташиш фаолияти билан шуғулланувчи барча корхона ва ташкилотларга қарашли шаҳар йўналишидаги автобусларда йўловчилар ташиш хизматларининг чекланган тарифлари ҳар бир йўловчи учун 2000 (икки минг сўм) сўм миқдорида белгилансин.

2. Вилоят Транспорт бошқармаси (И.Боқиев) ва Жиззах шаҳар ҳокимлиги (К.Холмуродов) ушбу қарор талабларидан келиб чиққан ҳолда йўловчилар ташиш фаолияти билан шуғулланувчи ташкилотлар ва

корхоналарга ушбу тарифларни жорий қилиш вазифаси топширилсин.

3. Вилоят Транспорт бошқармаси (И.Боқиев) Жиззах шаҳар ва туманлар ҳокимликларибилан биргаликда вилоятда транспорт тизимини, хусусан, аҳолига сифатли транспорт хизматлари кўратилишини янада яхшилаш мақсадида олиб борилаётган ишлар, мавжуд муаммолар, уларни бартараф этиш юзасидан аниқ таклифлар ва маълумотларни вилоят ҳокимлигига ҳар ойнинг 25 санасига қадар киритиб борилишини таъминласин.

4. Мазкур қарор қабул қилиниши муносабати билан, Жиззах вилояти ҳокимининг 2021 йил 12 мартдаги 117-сонли қарори ўз кучини йўқотган деб ҳисоблансин.

5. Вилоят ҳокимлиги матбуот котиби ахборот хизмати (А.Биноқулов) мазкур қарорни “Жиззах ҳақиқати” ва “Джизакская правда” газеталарида эълон қилинишини ҳамда вилоят ҳокимлигининг расмий веб-сайтига жойлаштирилишини таъминласин.

6. Ушбу қарор расман эълон қилинган кундан эътиборан кучга киради.

7. Мазкур қарорнинг ижросини назорат қилиш вилоят ҳокимининг ўринбосари Б.Назаров зиммасига юклансин.

Вилоят ҳокими



Э.Салиев